


真西山讀書記

卷十七



漢書門			
九	四	三	三
七	一	三	
四	〇	三	
冊	架	函	號類

內閣文庫			
九	四	三	漢
七	一	三	書
四	〇	三	
架	冊	號	類

內閣文庫			
番號	漢	9423	
冊數	40 ( 17 )		
函號	299	11	



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale




© Kodak, 2007 TM: Kodak



卷之十七



西山先生真文忠公讀書記卷之十七



孟子曰禹稷當平世三過其門而不入孔子賢之顏子  
 當亂世居於陋巷一簞食一瓢飲人不堪其憂顏子不  
 改其樂孔子賢之孟子曰禹稷顏回同道禹思天下有  
 溺者由已溺之也稷思天下有飢者由已飢之也是以  
 如是其急也禹稷顏子易地則皆然  
 朱子曰聖賢之心無所偏倚隨感而應各盡其道故  
 使禹稷居顏子之地則亦能樂顏子之樂使顏子居  
 禹稷之地亦能憂禹稷之憂也

讀書記

卷之十七

今有同室之人鬪者救之雖被髮纓冠而救之可也  
不暇束髮而結纓往救言急也以喻禹稷  
鄉鄰有鬪者被髮纓冠而往救之則惑也雖閉戶可也  
喻顏子也。此章言聖賢心無不同事則所遭或異  
然處之各當其理是乃所以爲同也尹氏曰當其可  
之謂時前聖後聖其心一也故所處皆盡善。楊氏  
曰君子所以施諸身措之天下各欲當其可而已禹  
思天下之溺猶已溺之稷思天下之飢猶已飢之過  
門不入弗子其子至胼胝手足不以爲病君子不以  
爲過顏淵在陋巷飯蔬飲水終日如愚人然君子不

謂之不及蓋禹稷被髮纓冠而往救者也顏淵閉戶  
所者故孟子曰易地則皆然若顏淵禹稷不當其可  
則是楊墨而已。南軒曰禹稷顏子之心一也心之  
所爲一者天理之所存而無意必固我加乎其間當  
其可而已此之謂時中又曰顏子未見施爲而遽比  
無之禹稷不亦過乎曰禹稷之事功果何所自乎德者  
本也事功末也本末一致也故程子曰有顏子之德  
孟則有禹稷之事功所謂事功在聖賢夫何有哉惟其  
時而已矣然而孟子歷聘諸國皇皇然以行道爲已  
任有異乎顏子之爲何哉方是時異端並起人欲橫

流世無孔子孟子烏得不以行道自任予亦曰顏子  
孟子易地則皆然

孟子曰楊子取為我拔一毛而利天下不為也墨子兼  
愛摩頂放踵利天下為之子莫執中執中為近之執中  
無權猶執一也

朱子曰子莫魯之賢人也知楊墨之失中也故度於  
二者之間而執其中近道也權稱錘也所以稱物  
之輕重而取中也執中而無權則膠於一定之中而  
不知變是亦執一而已矣程子曰中字最難識須是  
默識心通云云見前又曰中不可執也識得則事事

物物皆有自然之中不待安排安排著則不中矣也  
所惡執一者為其賊道也舉一而廢道也  
子莫害也為我害仁兼愛害義執中者害於時中皆舉  
立與而廢百者也此章信道之所貴者中中之所貴者  
權楊氏曰禹稷三過其門而不入苟不當其可則與  
墨子無異顏子在陋巷不改其樂苟不當其可則與  
楊子無異子莫執為我兼愛之中而無權鄉鄰有闕  
而不知閉戶同室有闕而不知救之是亦猶執一耳  
故孟子以為賊道禹稷顏回易地則皆然以其有權  
也不然則是亦楊墨而已矣○朱子又曰三聖相授

言言言  
三  
允執厥中與孟子所論子莫執中者文同而意異蓋  
精立於道心之微則無適而非中者曰允執則非徒  
孟然而執之矣子莫之執中則其為我不敢為楊朱之  
受深兼愛不敢為墨翟之過而於二者之間執其正節  
無以為中再故曰三聖以為中則其中活由好莫以為  
中則其中死中之活者不待權而無不中中之死  
則非學乎聖人之學不能有所權之而常適於中也  
權者權衡之權言其可以稱物之輕重而游移節  
所以適於中蓋所取節量仁義之輕重而時措之非如  
適世所謂將以濟乎仁義之窮也○按孟子曰執中

無權猶執一也程子亦曰欲知中庸無如權今以經  
傳言權之義附於此○  
子曰可與共學未可與適道可與適道未可與立可與  
立未可與權○  
朱子曰可與者言其可與為此事也○程子曰可與  
共學知所以求之也可與適道知所往也可與立者  
篤志固執而不變也權稱錘也所以稱物而知輕重  
者也可與權謂能權輕重使合義也○楊氏曰知為  
已則可與學矣學足以明善然後可與適道信篤然  
後可與立知時措之宜然後可與權○洪氏曰易九

卦終於巽以行權權聖人之大用未能立而言權猶人未能立而欲行鮮不仆矣程子曰漢儒以反經合道爲權故有權變權術之論皆非也權只是經也自漢以下無人識權字愚按先儒以此章連下文偏其反而爲一章故有反經合道之說程子非之是矣然以孟子嫂溺援之以手之義推之則權與經亦當有立辨○黃氏曰程子言權只是經或問云權經亦當有立辨何也曰是各有所發明也經常也權變也常者一定之理變者隨時之宜遇事之常則但當守一定之理遇事之變則不得不少有移易以就夫權權與經

不可無辨或問之說然也然天下之理唯其當然而已當經而經當然也當權而權亦當然也則權雖異於經而以其當然則亦只是經此程子之說然也有或問之說則經權之義始明有程子之說則經權之義始正先儒明道之力至是而始備矣○南軒曰事物物莫不有中中者天理當然不可過而不可不及者也毫釐之差則失之矣何以取中而不失乎所以貴於能權也權者權其輕重而適平之謂此君子所以貴於時中也或者不知權之所以爲中乃以爲反經合道夫經者道之所謂常也權者所以權其變

而求合乎經也既反經矣尚何道之合乎○愚按公羊傳十一年夏五月癸未鄭伯寤生卒九月宋人執鄭祭仲祭仲者何鄭伯也何以不名賢也何賢于祭仲以爲知權也其爲知權柰何祭仲往省于留塗出于宋宋人執之謂之曰爲我出忽而立突祭仲不從其言則君必死國必亡從其言則君可以生易死國可以存易亡少遼緩之則突可故出而忽可故反古人之有權者祭仲者也權者何權者反於經然後有善者也反經之說始此祭仲身爲人臣而廢君立君若舉暴然謂之有善可乎公羊此言蓋聖經之狼莠

人心之蠱賊學者不可不察然則董仲舒所謂守經事而不知其權遭變事而不知其宜者何如也曰此爲不知春秋而言也蓋春秋王道之權衡處常則用經遭變則用權其用權也乃所以求合乎經也漢儒之論經權惟此爲最粹大抵爲學必先知經知經而後可以語權不知經而遽語權未有不流於變詐者也故張子以學未至而語變爲操術之不正信矣夫○按道一也以其不偏不倚無過不及則謂之中堯禹之相授是也以其純一無間則謂之一伊尹之告太甲者是也以其極至不可加則謂之極易之太極

書之皇極是也以其真實無妄則謂之誠子思孟子之所論是也一己見前今以中極誠係於道德之後蓋此三者皆道之全翫貫五常該百行者也其名雖異而為道則一學者宜參味之

易有太極是生兩儀

朱子曰易者陰陽之變太極其理也又曰太極者象數未形而其理已具之稱形器已具而其理無朕之目又曰易有太極是生兩儀是先從實理說若論其

生則俱生但言其次序須有這實理然後有陰陽自見在事物而觀之則陰陽函太極推其本則太極生陰陽。南軒曰易者生生之妙而太極者所以生生者也。愚按古書言太極自易之外如老氏曰有物混成先天地生寂兮寥兮獨立而不改周行而不殆可以為天下母吾不知其名字之曰道強名之曰太極佛氏因之亦曰有物先天地無形本寂寥能為萬象正不逐四時凋夫太極理而已矣二氏乃以物言可乎又老子曰道生一一生二二生三三生萬物莊子曰夫道有情有信無為無形可傳而不可見自本自



根未有天地自古以固存神鬼神帝生天生地在太極之先而不爲高在六極之下而不爲深先天地生而不爲久長於上古而不爲老列子曰氣形質具而未相離故曰渾淪凡此皆指太極而言也朱子嘗答學者曰太極之義正謂理之極致耳有是理卽有是物無先後次序之可言故曰易有太極則是太極乃易在陰陽之中而非在陰陽之外也今以乾坤未判大衍未分之時論之恐未安也形而上者謂之道形而下者謂之器今論太極而以天地未分元氣合而爲一者言之亦恐未安也有是理卽有是氣理一而已

即氣則無不兩者故易曰太極生兩儀而老子乃謂道先生一乃生二則其察理亦未精矣朱子所辨可謂有功於學者大抵自周子以前凡論太極皆以氣言六莊子以爲道在太極之先所謂太極乃是指作天地人三者氣形已具而渾淪未判者之名而道又別是一懸空底物在太極之先則道與太極爲二矣不知道卽太極太極卽道以其通行而言則曰道以其極至而言則曰極又何嘗有二耶若列子渾淪之云漢志函三爲一之說所指皆同倘非周子啓其秘而朱子又闡而明之孰知太極之爲理而非氣也哉或謂

古書有所謂太一有所謂太易太初太始太素其與  
 太極同乎異乎曰太一者即太極之異名也禮曰禮  
 必本於太一分而為天地以其極至則曰太極其無  
 二則曰一所謂名殊而義一者也若所謂太易未見  
 氣太初氣之始太始形之始太素質之始也則以氣  
 形質言之而非指乎此理矣不必引以為類也  
 六爻之動三極之道也  
 朱子曰六爻初二為地三四為人五六為天動即變  
 也極至也三極天地人之至理三才各一太極也  
 周子無極而太極已見前

邵子曰道為太極又曰心為太極  
 愚按道為太極言道即太極無二理也心為太極謂  
 萬理總會於吾心是渾然一太極以此理而應事物  
 千變萬化各適其當則又一事一物之太極矣  
 書洪範五皇極皇建其有極欽時五福用敷錫厥庶民  
 惟時厥庶民于汝極錫汝保極凡厥庶民無有淫朋  
 無有比德惟皇作極凡厥庶民有猷有為有守汝則念  
 之不協于極不罹于咎皇則受之而康而色曰予攸好  
 德汝則錫之福時人斯其惟皇之極無虐烝獨而畏高  
 明人之有能有為使羞其行而邦其昌凡厥正人既富

方穀汝弗能有好于而家時人斯其辜示其無好德汝雖錫之福其作汝用咎無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極曰皇極之敷言是彝是訓于帝其訓凡厥庶民極之敷言是訓是行以迓天子之光曰天子作民父母以爲天下王此言皇極之敷言是彝是訓是行以迓天子之光曰天子作民父母以爲天下王

朱子曰洛書九數而五居中洪範九疇而皇極居五故自孔氏訓皇極爲大中諸儒皆祖其說亦獨嘗以昭經之文義語脉求之而知其必不然也蓋皇者君之

稱也極者至極之義標準之名常在物之中央而四外望之以取正者也故以極爲在中之準的則可而便訓極爲中則不可若北辰之爲天極脊棟之爲屋極其義皆然而禮所謂民極詩所謂四方之極者於皇極之義爲尤近顧今之說者既誤於此而弁失於彼是以其說展轉迷謬而終不能以自明也卽如舊說姑亦無問其他但卽經文而讀皇爲太讀極爲中則夫所謂惟大作中大則受之爲何等語乎今以余說推之則人君以一身履至尊之位四方輻湊而內而還觀之自東而望者不過此而西也自南而望者

方不過此而北也此天下之至中也既居天下之至中則必有天下之絕德而後可以立至極之標準故必順五行敬五事以修其身厚八政協五紀以齊其政然後至極之標準卓然有以立乎天下之至中使夫有面內而還觀者莫不於是而取則焉語其仁則極天下之仁而天下之爲仁者莫能加語其孝則極天下之孝而天下之爲孝者莫能尚是則所謂皇極者也由是而權之以三德審之以上筮驗其休咎於天考其禍福於人如棼裘領豈有一毫之不順哉此洛書之數所以雖始於一終於九而必以五居其中洪範

之疇所以雖本於五行究於福極而必以皇極爲之圭也若箕子之言有曰皇建其有極云者則以言夫人君以其一身而立至極之標準於天下也其曰歟時五福用敷錫厥庶民云者則以言夫人君能建其極則爲五福之所聚而又有以使民觀感而化焉則是又能布此福而與其民也其曰惟時厥庶民于汝極錫汝保極云者則以言夫民視君以爲至極之標準而從其化則是復以此福還錫其君而使之長爲至極之標準也其曰凡厥庶民無有淫朋人無有比德惟皇作極云者則以言夫民之所以能有是德者

皆君之德有以爲臣極之標準也其曰凡厥庶民有  
猷有爲有守汝則念之不協于極不罹于咎皇則受  
之云者則以信夫君旣立極于上而下之從化或有  
淺深遲速之不同其有謀者有才者有德者人君固  
當念之而不忘其或未能盡合而未抵乎大戾者亦  
當受之而不拒也其曰而康而危曰予攸好德汝則  
錫之福時人斯其惟皇之極云者則以言夫亦之有  
能革面從君而以好德自名則雖未必出於衷心之  
實人君亦當因其自名而與之以善則是人者亦得  
以君爲極而勉其實也其曰無虐氣獨而畏高明人

之有能有爲使羞其行而邦其昌云者則以言夫君  
之於民一視其同仁凡有才皆使進善則人材衆矣  
而國賴以興也其曰凡厥正人旣富方穀汝弗能使  
有好于而家時人斯其辜于其無好德汝雖錫之福  
其作汝用咎云者則以言夫凡欲正人者必先有以  
富之然後可以納之于善若不能有所賴于其家則  
此人必將陷于不義至其無復更有好德之心而後  
姑欲教之以修身勸之以求福則已無及于事而其  
起以報汝者有惡而無善矣蓋人之氣稟或清或濁  
或純或駁有不可以一律齊者是以聖人所以立極

乎上者至嚴至密而所以接引乎下者至寬至廣雖  
彼之所以化於此者淺深遲速其效或有不同而吾  
之所以應於彼者長養涵育其心未嘗不一也其曰  
無偏無陂遵王之義無有作好遵王之道無有作惡  
遵王之路無偏無黨王道蕩蕩無黨無偏王道平平  
無反無側王道正直會其有極歸其有極云者則以  
言夫天下之人皆不敢徇乎己之私以從乎上之化  
而會歸于至極之標準也蓋偏陂好惡者已私之生  
於心者也偏黨反側者已私之見於事者也王之義  
王之道王之路王之化也所謂皇極者也遵義遵道

遵路方會其極也蕩蕩平平正直則已歸於極矣其  
曰皇極之敷言是彝是訓于帝其訓云者則以言夫  
於君以身立極而布于下則其所以爲常爲教者皆  
天之理而不異于上帝之降衷也其曰凡厥庶民極  
之敷言是訓是行以迓天子之光云者則以言夫天  
下之人於君所命皆能受其教而謹行之則是能不  
自絕遠而有以親被其道德之光華也其曰天子作  
民父母以爲天下王云者則以言夫人君能立至極  
之標準所以能作億兆之父母而爲天下之王也不  
然則有其位無其德不足以首出庶物統御人羣而

履天下之極尊矣是書也原於天之所以錫禹雖其  
茫昧幽眇有不可得而知者然箕子之所以言之而  
告武王者則已備矣顧其詞之宏深奧雅若有未易  
言者然嘗試虛心平氣而再三反復焉則亦坦然明  
白而無一字之可疑但先儒未嘗深求其意而不察  
乎人君所以修身立道之本是以誤訓皇極為大中  
又見其詞多為會容寬大之言因復誤認中為會糊  
苟且不分善惡之意殊不知極雖居中而非有取乎  
中之義且中之為義又以其無過不及至精至當而  
無有毫釐之差亦非如其所止之云也乃以誤認之

中為誤訓之極不謹乎至嚴至密之體而務為至寬  
至廣之量其弊將使人君不知修身以立政而墮於  
漢元帝之優游唐代宗之姑息卒至是非顛倒賢否  
貿亂而禍敗隨之尚何歛福錫民之可望哉○問皇  
極曰此是人君為治之心法如周禮一書只是箇入  
政而已○皇極非大中皇乃天子極乃極至言皇建  
此極也漢儒雖說作中字亦與今不同如云五事之  
中是也今人說中只是會糊依違善不必盡賞惡不  
必盡罰如此豈得謂之中○極盡也先生指前面香  
車四面盡處是極所以謂之四極四邊視中央中央

是極也如屋之極極高之處四邊到此盡了去不得故謂之極宸極亦然至善亦如此應於事到至善從極盡了更無去處故君子無所不用其極○問標準則如何曰此是聖人正身以作民之準則問何以能歛五福曰當就五行五事上推究人君修身使貌恭言從視明聽聰思睿卽身自正五者得其正則五行得其序以之稽疑則龜從筮從卿士從庶民從在庶微則有休徵有咎徵和氣致祥有仁壽而無鄙夭便是五福反是則福轉為極○蔡氏曰極猶北極之極至極之義標準之名中立而四方之所取正焉者也

此言人君當盡其道之至語父子則極其親而天下之為父子者於此取則焉語夫婦則極其別而天下之為夫婦者於此取則焉語兄弟則極其愛而天下之為兄弟者於此取則焉以至於一事一物之接一官一動之發無不極其義理之當然而無一毫過不及之差則極建矣極者福之本福者極之效極之所建相福之所集也○按太極之極皇極之極其義一也太極指天道而言皇極指人道而言然太極未嘗不行乎人道之中皇極未嘗不以天道為本蓋一而二二而一者也故合而為一篇云



師曰言極

入誠

易乾九二子曰龍德而正中者也庸言之信庸行之謹

閑邪存其誠善世而不伐德博而化

程子曰邪既閑則誠存矣又曰閑邪則誠自存不是

外面捉箇誠將來存著今人役役於不善於不善

求尋箇善來存著如此豈有入善之理只是閑邪則

誠自存故孟子言性善皆由內出只為誠便存閑邪

更著甚工夫

九三子曰忠信所以進德也修辭立其誠所以居業也

程子曰修辭立其誠言能修省言辭便是要立誠若

只是修辭言辭為心只是為偽也若修其言辭正為

立己之誠意乃是體當自家敬以直內義以方外之

實事道之浩浩何處下手惟立誠才有可居之處有

可居之處則可以修業也終日乾乾大事只是忠信

初所以進德為實下手處修辭立其誠為實修業處

无妄

程子曰序卦復則不妄矣故受之以無妄復者反於

道也既反於道則合正理而无妄為卦天上震下震

動也動以天為无妄動以人欲則妄矣○朱氏曰无

妄者實理自然之謂也。人始於妄矣。○本九曰天  
 元亨利貞其匪正有眚不利有攸往。○使天之道不妄  
 易无妄者至誠也。至誠者天之道也。天之化育萬物生  
 生不窮各正其性命乃无妄也。人能合无妄之道則  
 所謂與天地合其德也。无妄有大亨之理。君子行无  
 妄之道則可以致大亨矣。无妄天之道也。卦言人由  
 无妄之道利貞法无妄之道利在真正失真正則妄  
 也。雖無邪心苟不合正理則妄也。乃邪心也。故有匪  
 正則為過眚。○初九无妄往吉。○初九无妄往吉。○  
 象曰天下雷行物與无妄先王以茂對育萬物。○

雷行於天下陰陽交和相薄而成聲於是警發藏振  
 萌芽發生萬物其所賦與洪纖高下各正其性命无  
 有差妄物與无妄也先王觀天下雷行發生賦與之  
 象而以茂對天時養育萬物使各得其宜如天與之  
 二无妄也。○初九无妄往吉。○初九无妄往吉。○  
 初九以陽剛為主於內无妄之象以剛實變柔而居內  
 中誠无妄者也。以无妄而往何所不吉。○初九无  
 象曰无妄之往得志也。○初九无妄往吉。○初九无  
 以无妄而往無不得其志也。蓋誠之於物无不能動

以之修身而身正以之治事則事得其理以之臨人  
 則人感而化無所往而不得其志也又曰无妄之謂  
 謂誠不欺其次也  
 中庸天下之達道五所以行之者三君臣也父子也夫  
 婦也昆弟也朋友之交也五者天下之達道也知仁勇  
 三者天下之達德也所以行之者一也

朱子曰一則誠而已矣程子曰所謂誠者只是誠實  
 此三者三者之外更別無誠  
 凡為天下國家有九經曰修身也尊賢也親親也敬大  
 臣也體羣臣也子庶民也來百工也柔遠人也懷諸侯也

此言九經之序也  
 修身則道立尊賢則不惑親親則諸父昆弟不怨敬大  
 臣則不眩體羣臣則士之報禮重子庶民則百姓勸來  
 百工則財用足柔遠人則四方歸之懷諸侯則天下之  
 此言九經之效也  
 齊明盛服非禮不動所以修身也去讒遠色賤貨而貴  
 德所以勸賢也尊其位重其祿同其好惡所以勸親親  
 也官盛任使所以勸大臣也忠信重祿所以勸士也特  
 使薄歛所以勸百姓也日省月試既稟稱事所以勸百  
 工也送往迎來嘉善而矜不能所以柔遠人也繼絕世

舉廢國治亂持危朝聘以時厚往而薄來所以懷諸侯  
 此言九經之事也  
 凡為天下國家有九經所以行之者一也  
 一者誠也一有不誠則是九者皆為虛文失此九經  
 之實也  
 凡事豫則立不豫則廢言前定則不跲事前定則不困  
 行前定則不疚道前定則不窮  
 凡事指達道達德九經之屬豫素定也路躓也厥病  
 也此承上文言凡事皆欲先立乎誠如下所推是也  
 在下位不獲乎上民不可得而治矣獲乎上有道不信

乎朋友不獲乎上矣信乎朋友有道不順乎親不信乎  
 朋友矣順乎親有道反諸身不誠不順乎親矣誠身有  
 道不明乎善不誠乎身矣  
 反諸身不誠謂反求諸身而所存所發未能真實而  
 誠無妄也不明乎善謂未能察於人心天理之本然而  
 而真知至善之所在也○或問云云曰夫在下位而不  
 獲乎上則無以安其位而行其志故民不可治然欲  
 獲乎上又不可以諛悅取容也其道在信乎友而已  
 蓋不信乎友則志行不孚而名譽不聞故上不見知  
 然欲信乎友又不可以便佞苟合也其道在悅乎親

而已蓋不悅乎親則所厚者薄而無所不薄故友不見信然欲悅乎親又不可以阿意曲從也其道在誠乎身而已蓋反身不誠則外有事親之禮而內無愛敬之實故親不見悅然欲誠乎身又不可以襲取強為也其道在明乎善而已蓋不能格物致知以真知至善之所在則好善必不能如好好色惡惡必不能如惡惡臭雖欲勉焉以誠其身而身不可得而誠矣由此必然之理也故夫子言此而其下文即以天道人道擇善固執者繼之蓋擇善所以明善固執所以誠身身擇之之明則大學所謂物格而知至也執之之固

則大學所謂意識而心正身修也知至則反諸身者亦將無一毫之不實意識心正而身修則順親信友獲此治民將無所施而不利而達道達德九經凡事亦一以貫之而無遺矣  
誠者天之道也誠之者人之道也誠者不勉而中不思而得從容中道聖人也誠之者擇善而固執之者也誠者真實無妄之謂天理之本然也誠之者未能真實無妄而欲其真實無妄之謂人事之當然也聖人之德渾然天理真實無妄不待思勉而從容中道則亦天之道也未至於聖則不能無人欲之私而其為

德不能皆實故未能不思而得則必擇善而後可以  
 明善未能不勉而中則必固執而後可以誠身此則  
 所謂入之道也不思而得生知也不勉而中安行也  
 擇善學知以下之事固執利行以下之事也  
 博學之審問之慎思之明辨之篤行之固執之  
 始此誠之之目也學問思辨所以擇善而為知學而知  
 也篤行所以固執而為仁利而行也程子曰五者廢  
 其一非學也  
 有弗學學之弗能弗措也有弗問問之弗知弗措也有  
 弗思思之弗得弗措也有弗辨辨之弗明弗措也有弗

行行之弗篤弗措也人一能之己百之人十能之己千  
 君子之學不為則已為之則必要其成故常百倍其  
 功此困而知勉而行者也勇之事也  
 果能此道矣雖愚必明雖柔必強  
 明者擇善之功强者固執之效呂氏曰君子所以學  
 者為能變化氣質而已德勝氣質則愚者可進於明  
 柔者可進於強不能勝之則雖有志於學亦愚不能  
 明柔不能立而已矣蓋均善而無惡者性也人所同  
 也昏明強弱之稟不齊者才也人所異也誠之者所  
 以反其同而變其異也夫以不美之質求變而美非

百倍其功不足以致之今以鹵莽滅裂之學或作或  
 輟以變其不美之質及不能變則曰天質不美非學  
 所能變是果於自棄其為不仁甚矣○或問誠之為  
 義其詳可得聞乎曰難言也姑以其名義言之則真  
 實無妄之云也若事理之得此名則亦隨其所指之  
 大小而皆有取乎真實無妄之意耳蓋以自然之理  
 言之則天地之間惟天理為至實而無妄故天理得  
 誠之名若所謂天之道鬼神之神是也以德言之則  
 有生之類惟聖人之心為至實而無妄故聖人得誠  
 之名若所謂不勉而中不思而得者是也至於隨事

而言則一念之實亦誠也一事之實亦誠也一行之  
 實亦誠也是其大小雖有不同然其義之所歸則未  
 始不在於實也曰然則天理聖人之所以誠若是其實  
 者何也曰一則純二則雜純則誠雜則妄此常物之  
 大情也夫天之所以為天也冲漠無朕而萬理兼該  
 無所不其然其為體則一而已矣未始有物以雜之  
 也是以無聲無臭無思無為而一元之氣春夏秋冬夏  
 晝夜昏明百千萬年未嘗有一息之謬天下之物洪  
 纖巨細莫不各得其性命之正以生而未嘗有一毫  
 之差此天理之所以為實而無妄者也若夫人物之

生性命之匪亦莫非天理之實但以氣質之偏口鼻耳目四肢之好得以蔽之而私欲生焉是以當其惻隱之發而忮害雜之則所以爲仁者有不實矣當其羞惡之發而貪昧雜之則所以爲義者有不實矣此常人之心所以雖欲勉於爲善而內外隱顯常不免於二致甚至於詐僞欺罔而卒墮於小人之歸則以其二者雜之故也惟聖人氣質清純渾然天理初無人欲之私以病之是以仁則表裏皆仁而無一毫之不仁義則表裏皆義而無一毫之不義其爲德也固舉天下之善而無一毫之或遺而又其爲善也又

極天下之實而無一毫之不滿此其所以不勉不思從容中道而動容周旋莫不中禮也曰然則常人未免於私欲而無以實其德奈何曰聖人固已言之亦曰擇善而固執之耳夫於天下之事皆有以知其如是爲善而不能不爲知其如是爲惡而不能不去則其爲善去惡之心固已篤矣於是而又加以固執之功雖其不睹不聞之間亦必戒謹恐懼而不敢懈則凡所謂私欲者出而無所施於外入而無所藏於中自將消磨泯滅不得以爲吾之病而吾之德又何患於不實哉是則所謂誠之者也曰然則大學論小人之



陰惡陽善而似誠於中者用之何也曰若是者自其天理之大體觀之則其為善者誠虛矣自其人欲之私分觀之則其為惡也何實如之而安得不謂之誠哉但非天理真實無妄之本然則其誠也適所以虛其本然之善而反為不誠耳。或問何以言誠為中庸之樞紐也曰誠者實而巳矣天命云者實理之原也性其在物之實體道其當然之實用而教也者以因其體用之實而品節之也不可離者此理之實也隱之見微之顯實之存亡而不可捨者也戒謹恐懼而謹其獨焉所以實乎此理之實也中和云者所以

狀此實理之體用也天地位萬物育則所以極乎此理之功效也中庸云者實理之遠可而平常者也過與不及不見實理而妄行者也費而隱者言實理之用廣而體微也鳶飛魚躍流動克滿夫豈無實而有是哉道不遠人以下至於大舜文武周公之事孔子之言皆實理應用之當然而鬼神之不可捨則又其發見之所以然也聖人於此固以其無一毫之不實而至於如此之盛其示人也亦欲其必以真實而無一毫之偽也蓋自然而實者天也必期於實者人而天也誠明以下累章之意皆所以反復乎此而語其

所以正大經而立大本參天地而贊化育則亦直實無妄之極功也卒章何絅之云又本其務實之初心而言也內省者謹獨克己之功不愧屋漏者戒慎恐懼而無已可克之事皆所以實乎此理之序也時靡有爭變也百辟刑之化也無聲無臭又極乎天命之性實理之源而言也蓋此篇大者傳以發明實理之本然欲人之實此理而無妄故其言雖多而樞紐不越乎誠之具言也嗚呼深哉。問聖人不勉不思今書載傳授之旨云允執厥中下一執字似亦大段著力曰聖人固不思不勉然使聖人自有不思不勉之

意則罔念而作狂矣此類非一更細思之。輯畧品之氏曰誠者理之極致一而不可易者也大而天下遠而萬古求之人情參之物理皆所洞然有一無二雖前聖後聖若合符節理本如是非人私智之所能為此之謂誠即誠天道也天道自然何勉何思故誠者自天之道性之者也誠之者人之道反之者也聖人之於天道性之者也賢者之於天道反之者也性之者成性而與天無間也天即聖人聖人即天從心所欲由仁義行也出於自然從容不迫不待乎思勉而後中也反之者求復乎性而未至雖誠而猶雜之偽雖

行而未能無息則善不可不思而擇德不可不勉而  
 執不如是猶不足以至乎誠故學問思辨皆所以求  
 之也行所以至之也○愚按呂氏朱子此章之旨畧  
 同呂詳而明朱約而精學者宜參味之○自誠明謂之性自明誠謂之教誠則明矣明則誠矣  
 朱子曰自由也德無不實而明無不照者聖人之德  
 所性而有者也天道也先明乎善而後能實其善者  
 賢人之學由教而入者也人道也誠則無不明矣明  
 則可以至於誠矣  
 唯天下至誠為能盡其性能盡其性則能盡人之性能

盡人之性則能盡物之性能盡物之性則可以贊天地  
 之化育可以贊天地之化育則可以與天地參矣  
 朱子曰天下至誠謂聖人之德之實天下莫能加也  
 盡其性者德無不實故無以欲之私而天命之在哉  
 者察之由之巨細精粗無毫髮之不盡也以物之性  
 亦我之性但以所賦形氣不同而有異耳能盡之者  
 謂知之無不明處之無不當也贊猶助也與天地參  
 謂與天地並立而為三也此自誠而明者之事○問  
 至誠盡人物之性是曉得盡否曰非特曉得盡亦要  
 處得盡其道若凡所以養人教人之政與夫利萬物

之政皆是也故下文云贊天地之化育而與天地參矣若只明得盡如何得天地參○性只是般物氣稟不同人雖稟得氣濁善底只在裏許有可開通之理是以聖人有教化法開通他使復其善物稟得偏無道理可使開通所謂盡物之性只是所以處之當當其理且隨他所明處使之他所明處亦只是這箇善聖人便是用他善底如馬悍者用鞭箠防乘得此亦是教化是隨他天理流行發見處使之勉而盡也之性如在君臣則義在父子則親在兄弟則愛之類是已無一之不盡盡人之性如黎民於變時雍路得與

所盡物之性如鳥獸草木咸若如此則可以贊天地之化育矣皆是實事非私心之做像也○聖人贊天地之化育有不恰好處被聖人做得都好丹朱不肖堯則以天下與人洪水汎濫舜用禹而民得安居桀紂暴虐湯武起而誅之○人在天地中間雖只是有理然天人所爲各自有分人做得底却有天做不得底如天能生物而耕種必用人水能潤物而灌溉必用人火能燠物而薪爨必用人財成輔相須是人做非贊助而何輯畧程子說已見理性命篇呂氏云云已見氣質篇其下文云行其所無事順以養之

所謂化天地之化育者也如堯命羲和欽若昊天至  
民之析因夷隩鳥獸之羣尾希革毛毳毼毛無不與  
知則所贊可知矣天地之化育猶有所不及必人贊  
之而後備則天地非人不立故人與天地並立而為  
三才此之謂與天地參○游氏曰萬物皆備於我矣  
反身而誠樂莫大焉故惟天下至誠為能盡其性千  
萬人之性一己之性是也故能盡其性則能盡人之  
性萬物之性一人之性是也故能盡人之性則能盡  
物之性同然皆得者各安其常則盡人之性也羣然  
皆生者各得其理則盡物之性也至於盡物之性則

其和氣克塞故可以贊天地之化育夫如是則天覆地  
則載教化各任其職而成位乎其中矣○或問諸說如  
何曰程子論窮理盡性以至於命而曰只窮理便是  
至於命則亦若有可疑者蓋天下之理未嘗不一而  
語其分則未嘗不殊人生天地之間稟天地之氣其  
體即天地之體其心即天地之心以理而言是豈有  
一物哉故凡天下之事雖若人之所為而其所以為  
之者莫非天地之所為也又况聖人純於義理而無  
人欲之私則所以代天理物者乃以天地之心而贊  
天地之化本不見其有彼此之間也若以其分言之

則天地之所爲固非人之所及而人之所爲又有天地之所不及者其事固不同也但分殊之狀人莫不知而理一之致多或未察故程子之言發明理一之意多而及於分殊者少抑揚之勢不得不然然亦無少失其平矣惟其所謂止是一理而天人所爲各自有分乃爲全備而不偏矣程張之論雖有不同以推之則未嘗甚異蓋以理言之則精粗本末初無二致固不容有漸次當如程子之論若以其事而言則其親疎遠近淺深先後又不容於無別當如張子之言也又曰一說皆善而呂尤確實

其次致曲曲能有誠誠則形形則著著則明明則動動則變變則化唯天下至誠爲能化  
其次通大賢以下凡誠有未至者而言也致推致也曲者一偏也形者積中而發外著則又加顯矣明則又有光輝發越之盛也動者誠能動物變者物從而變化則有不知其所以然者蓋人之性無不同而氣則有異故惟聖人能舉其性之全辭而盡之其次則必自其善端發見之偏而悉推致之以各至其極也曲無不致則德無不實而形著動變之功自不能已積而至於能化則其至誠之妙亦不異於聖人矣○

又問其次致曲與易中納約自牖之意畧相類納約自牖是因人之明而導之致曲是因己之明而推之是如此否曰然○問顏曾以下皆是致曲曰顏子體段已且曾子却是致曲一一推之至答一貫之時則渾合矣○問致曲是就偏曲處致力否曰如程子說或孝或弟或仁或義所偏發處推致之各造其極也曰如此恐將來只就所偏處成就曰不然或仁或義或孝或弟更互而發便就此做致曲工夫○問所謂俱善端發見之偏如何曰人所稟各有偏善或稟得剛其強或稟得和柔各有一偏之善所以就其偏而推極

其全惻隱羞惡辭讓是非四端隨人所稟發出來路善有偏重處是一偏之善○輯畧程子曰其次致曲者自學而後知之也而其成也與生而知者不異焉故君子之學莫大於學莫害於畫莫病於自是莫罪於自棄學而不止此湯武之所以聖也○又曰致曲者就其曲而致之也○又曰人自孩提聖人之質已完只是於偏勝處發或仁或義或孝或弟去氣偏處發便是致曲○又曰誠則形形後便有物如參前倚衡如有所立卓爾是也形則著又著見也著則明是有光輝之時也明則勤誠能動人也君子所過者化豈非動乎

或曰變與化何別曰變如物方變而未化化則變無  
舊迹自然之謂也莊子言變大於化非也○問致曲  
云云朱子曰伊川說得好將曲專做好說○問明勸  
變化伊川以所過者化解動字是和那變化都說在  
裏否曰動是方感動變則已改其舊然尚有痕迹在  
化則都消化無復痕迹矣○又曰致曲者其曲  
至誠之道可以前知國家將興必有禎祥國家將亡必  
有妖孽見乎著龜動乎四體禍福將至善必先知之不  
善必先知之故至誠如神○神者其曲盡也  
朱子曰禎祥者福之兆妖孽者禍之萌著所以著龜

所以卜四體謂動作威儀之間如執玉高卑其容俯  
仰之類凡此皆理之先見也然唯誠之至極而無一  
毫私偽留于心月之間者乃能有以察其幾焉神謂  
鬼神○輯畧呂氏曰至誠與天地同德與天地同德  
則其氣化流行與天地同流矣興亡之兆禍福之來  
皆感於吾心動於吾氣如有萌焉無不前知况乎誠心  
之至求乎著龜而著龜告察乎四體而四體應所謂  
莫見乎隱莫顯乎微者也此至誠所以達乎神明而  
無間故曰至誠如神動乎四體如傳所謂威儀之則  
以定命也○或問至誠如神之說朱子曰呂氏得之



矣其論動乎四體為威儀之則者尤為確實誠者自成也而道自道也

朱子曰道也之道音導言誠者物之所以自成而道者人之所當自行也誠以心言本也道以理言用也

誠者物之終始不誠無物是故君子誠之為貴天下之物皆實理之所為故必得是理然後有是物

所得之理既盡則是物亦盡而無有矣故入之心一有不實則雖有所為亦如無有而君子必以誠為貴

也蓋入之心能無不實乃為有以自成而道之在己者亦無不行矣

誠者非自成已而已也所以成物也成已仁也成物知也性之德也合外內之道也故時措之宜也

誠雖所以成已然既有以自成則自然及物而道亦行於彼矣仁者辭之存知者用之發是皆吾性之固有而無內外之殊既得於已則見於事者以時措之

而皆得其宜也○誠者物之終始猶言體物而不可遺○誠者物之終始來處是誠去處亦是誠誠則有

物不誠則無物且如而今對人說話若句句說着實皆自心中流出這便是有物若是脫空誑誕不說實

話雖有兩人對話如無物也且如草木萌芽發生以

詩書記 卷之十七 三二  
至枯爲朽腐皆是有此實理方有此物若無此理安  
得有此物。誠者物之終始不誠無物如讀書半板  
以前心在書上則此半版有終有始半版以後心不  
在焉則如不讀矣。誠者物之終始却是事物之實  
理始終無有間斷自開闔以來以至人物消盡只是  
如此在八之心苟誠實無偽則徹頭徹尾無非此理  
一有間斷處卽非誠矣凡有一物則其成也必有所  
始其壞也必有所終而其所以始者實理之至而向  
於有也其所以終者實理之盡而向於無也若無是  
理則亦無是物矣此誠所以爲物之終始而人心不

誠則雖有所爲皆如無有也。問或問中云自其間  
斷之後雖有其事皆無實之可言何如曰此是說不  
誠無物如人做事未做得一半便棄了卽一半便不  
成問游氏云四時之運已卽成物之功廢先生曰只  
爲有這些子如無這些子其機關都死了再問其至  
誠無息所以四時行百物生更無已時此所謂維天  
之命於穆不已也先生曰然。問不誠無物曰誠實  
也且如人爲孝若不是誠恰似不曾誠便是事底骨  
子。不誠無物不誠雖有物如禘自旣灌而往者誠  
意一散如不祭一般。秉彜不存謂之無人可也中

言言言  
卷之十七  
三三  
和不存謂之無禮樂可也。○心不在焉視而不見聽而不聞便是無耳目相似。○誠者物之終始指實理而言君子誠之爲貴指實心而言。○誠者非自成已而已此自成字與前面不同蓋怕人只說自成故言非自成已乃所以成物成已便以仁言成物便以知言成已成物固無內外之殊但以先成已然後能成物此道之所以當自行也成已作仁也是體成物知也是用學不厭知也是體教不倦仁也是用。○問成已仁也成物知也成物如何說知曰須是知運用成得物問時措之宜是顏纓開戶纓冠之義否曰亦有

此意須是仁知具內外合然後有箇時措之宜又云如平康無事時是一般處置倉卒緩急時又有一般處置成已仁也成物知也以其觀之成已却是知成物却是仁曰顏子克已復禮爲仁非成已如何智周乎萬物而道濟天下非成物而何。○輯畧程子曰誠者自成如至誠事親則成人子至誠事君則成人臣不誠無物誠者物之終始猶俗語徹頭徹尾不誠更有甚物也。○或問云云朱子曰誠者物之終始不誠無物之義惟程子之言爲至當然其言太畧請得而推言之蓋誠之爲言實而已矣然此篇之言有以理

言言言  
卷之十一  
三十四  
之實而言者如曰誠不可捨之類是也有以心之實  
而言者如曰反諸身不誠之類是也讀者各隨其文  
意所指而尋之則其義各得矣所謂誠者物之終始  
不誠無物者以理言之則天地之理至實而無一息  
之妄故自上古及今無一物之不實而一物之中自始  
至終皆實理之所爲也以心言之則聖人之心亦至  
實而無一息之妄故從生至死無一事之不實而一  
事之中自始至終皆實心之所爲也此所謂誠者物  
之終始者然也苟未至於聖人而其本心之實者猶  
未免於間斷則其實有是心之初以至未有間斷之

前所爲無不實者及其間斷則自有間斷之後以至  
未相接觸之前凡所云爲皆無實之可言雖有其事  
不亦不異於無有矣如曰三月不違則三月之間所爲  
皆實而三月之後未免於無實蓋不違之終始卽其  
事之終始也日月至焉則至此之時所爲皆實而去  
此之後未免於無實蓋至焉之終始卽其物之終始  
也是則所謂不誠無物者然也以是言之則在天者  
本無不實之理故凡物之生於理者必有是理方有  
是物未有無其理而徒有不實之物者也在人者或  
有不實之心故凡物之出於心者必有是心之實乃

有是物之實未有無其心之實而能有其物之實者  
也程子所謂徹頭徹尾者蓋如此其餘諸說大抵皆  
知誠之在天爲實理而不知其在人爲實心是以爲  
說太高以失經文之本意正猶知愛之不足以盡仁  
而凡言仁者遂至於無字之可謂其亦悞矣之爲說  
故至誠無息  
朱子曰既無虛假自無間斷實益不盡之味請將其  
不息則久久則微  
久常於中也微驗於外也  
微則悠遠悠遠則博厚博厚則高明  
有間問之對曰至

此皆以其驗於外者言之鄭氏所謂至誠之德著於  
四方者是也存於中者既久則驗於外者益悠遠而  
無窮矣悠遠故其積也廣博而深厚博厚故其發也  
天高大而光明

博厚所以載物也高明所以覆物也悠久所以成物也  
悠久即悠遠兼內外而言之也本以悠遠致高厚而  
高厚又悠久也此言聖人與天地同用此不盡曰焉  
博厚配地高明配天悠久無疆  
此言聖人與天地同體  
如此者不見而章不動而變無爲而成

天地之道可一言而盡也其為物不貳則其生物不測  
 此以下復以天地明至誠無息之功用天地之道可  
 一言而盡也其為物不貳則其生物不測不過曰誠  
 而已不貳所以誠也誠故不息而生物之多有莫知  
 計其所以然者  
 天地之道博也厚也高也明也悠也从也  
 不言天地之道誠一不二故能各極其盛而有正交生

物之功。問人則微微是微驗發見於外否曰从然  
 微後有微驗只一兩日工夫如何有微驗。問悠遠博

厚高明章句中取鄭氏說豈以聖人之誠自近而遠  
 不自微而著如書稱堯光被四表格于上下者乎曰亦  
 特須看他一个氣象自至誠不息不息則以積之自然  
 如此。至誠無息一段諸家多將做進德次第說只  
 一箇至誠已該了豈復更有許多節次此是言聖人  
 功業自微則悠遠至悠从博厚高明皆是功業著見  
 如此不須說以裏來古注有不可易處  
 今夫天斯昭昭之多及其無窮也日月星辰繫焉萬物  
 覆焉今夫地一撮土之多及其廣厚載華嶽而不重振  
 河海而不洩萬物載焉今夫山一卷石之多及其廣大

草木生之禽獸居之寶藏興焉今夫水一勺之多及其  
 不測龜鼉蛟龍魚鼈生焉貨財殖焉  
 昭昭猶耿耿小明也此指其一處而言之及其無窮  
 猶十一章及其至也之意蓋舉全體而言也振收也  
 卷區也此四條皆以發明由其不貳不息以致盛大  
 而能生物之意然天地山川實非由積累而後大讀  
 者不以辭意可也  
 詩云維天之命於穆不已蓋曰天之所以為天也於乎  
 不顯文王之德之純蓋曰文王之所以為文也純亦已  
 於歎辭穆深遠也不顯猶言豈不顯也純一不雜

也引此以明至誠無息之意程子曰天道不已文王  
 純於天道亦不已純則無二無雜不已則無間斷先  
 後○輯畧程子曰維天之命於穆不已此是理自相  
 續不已非是人為之如使可為雖使百萬般安排也  
 須有息時只為無為故不息○呂氏曰實理不二則  
 其體無雜其體不雜則其行無間故至誠之無息非  
 使之也機自動耳乃乾坤之所以閤關萬物之所以  
 生育亘萬古而無窮者也如使之則非實非實則有  
 時而息矣火者日新而無傲之謂也微驗也悠遠長  
 也天地運行而不息故四時變化而無敝日月相從

而不已故朔晦生明而無敝此之謂不息則火四時  
變化而無敝故有生之驗晦朔生明而無敝故有  
照臨之驗此之謂以則微生生也照臨也苟日新而  
有微則可以繼繼其長至於無窮矣此之謂微則悠  
遠悠遠無窮者其積必多博者能積衆狹厚者能積  
衆薄此之謂悠遠則博厚有如是廣博則其勢不得  
不高有如是深厚則其精不得不明此之謂博厚則  
高明博厚則無物不能任也高明則無物不能冒也  
悠久則無時而不養也所以載物覆物成物者其能  
也所以章所以變所以成者其功也能非力之所任

功非用而後有其勢自然不得不爾是皆至誠不貳  
而已此天地之道所以一言而盡也天地所以生物  
不測者至誠不息者也天地所以成物者積之無疆  
者也如使天地爲物而貳則其行有息其積有限昭  
昭撮土之微將下同乎衆物又焉有載物覆物成物  
之功哉雖天之昭昭之多而已雖地之廣撮土之  
多而已山之一卷水之一勺亦猶是矣其所以高明  
博厚神明不測者積之之多而已今夫人之有良心  
也莫非天地之中是爲所欲之善不克之則不能與  
天地相似而至于大大而不化則不能不勉不思與



天地合德而至於聖然所以至於聖者克其良心德  
 盛在熟而後爾也故曰過此以往未之或知也窮神  
 知化德之盛也如指人之良心而責之與天地合德  
 猶指撮土而求其載華嶽振河海之力指一勺而求  
 其生蛟龍殖貨財之功是亦不思之甚也天之所以  
 為天不已其命而已聖人之所以為聖不已其德而  
 已其為天人德命雖異其所以不已則一故聖人之  
 道可以配天者如此而已。或問云云朱子曰此章  
 之說最為繁雜呂氏所謂不已其命不已其德意雖  
 無爽而語亦有病蓋天道聖人之所以不息皆實理

之自然雖欲已之而不可得今日不已其命不已其  
 德則是有意於不已而非所以明聖人天道之自然  
 矣又以積天之昭昭至於無窮譬夫人之克其良心  
 以至於與天地合德意則甚善而此章所謂至誠無  
 息以至於博厚高明乃聖人久於其道而天下化成  
 之事其所積而成者乃其氣象功效之謂非謂在已  
 天之德亦待積而成也故章末引文王之詩以證之夫  
 豈積累漸次之謂哉若如呂氏之說則是因無息然  
 後至於誠由不已然後純於天道也失其旨矣。呂  
 氏廣博高明之語甚善譬如為臺觀須根基大然後



止而可以高萬物精氣蓄於下者深厚則其發越於  
 外自然光明不日然於外天能出於其有發口日  
 唯天下至誠為能經綸天下之大經並天下之賦休知  
 天地之化育夫焉有所倚乎夫天之大藉以鑿也夫  
 朱子曰經綸皆治絲之事經者理其緒而紛之綸者  
 比其類而給之也經常也大經者五品之政以綸大  
 者所性之全體也惟聖人之德極誠無妄故於大  
 各盡其當然之實而可以為天下後世法所謂經綸  
 之地其於所性之全體無一毫人欲之偽以雜之而  
 天下之道亦變萬化皆由此出所謂立之地其於天

小之化育則亦其極誠無妄者有默契焉非但聞見之  
 知而已此皆在誠無妄自然之功用天豈有所倚著  
 誠於物而後能哉夫天與地自和且之於下下  
 眈眈其仁淵淵其淵浩浩其天傾而聖其具其善其味  
 眈眈懇至貌以經綸而言也淵淵靜深貌以立本而  
 言也浩浩廣大貌以知化而言也其淵其天則非特  
 如之而已而日精之味其味以去惡而心之誠其  
 苟不固聰明聖知達天德者其孰能知之乎之故也  
 之固猶實也鄭氏曰唯聖人能知聖人天道之極致至  
 大此而無以加矣

大學所謂誠其意者毋自欺也如惡惡臭如好好色此  
 之謂自謙故君子必慎其獨也此聖人天賦之善好至  
薛朱子曰謙讀為慊苦切反誠其意者自修之始也毋  
天者禁止之辭自欺云者知為善以去惡而心之所發  
有未實也慊快也足也獨者人所不知而已所獨知  
之地也言欲自修者知為善以去其惡則當實用其  
州力而禁止其自欺使其惡惡則如惡臭臭好善則如  
好好色皆務決去而求必得以自快足之於已不可  
徒苟且以徇外而為人也然其實與不實蓋有他人  
所不及知而已獨知之者故必謹之於此以審其幾焉

小人間居為不善無所不至見君子而后厭然揜其不  
 善而著其善人之視已如見其肺肝然則何益矣此謂  
 誠於中形於外故君子必慎其獨也此限其視聞及非  
間居獨處也厭然消沮閉藏之貌此言小人陰為不  
善而陽欲揜之則是非不知善之當為與惡之當去  
也但不能實用其力以至此耳然欲揜其惡而卒不  
可揜欲詐為善而卒不可詐則亦何益之有哉此君  
子所以重以為戒而必謹其獨也辨此其意曰好也然  
曾子曰計用所視計其所指其嚴乎其意曰好之而  
引此以明上文之意言雖幽獨之中而其善惡之不

大可揜如此可畏之甚也。雖曰欲之中而無其善惡之不可  
富潤屋德潤身。此廣體解。故君子必誠其意。

其安舒也。言富則能潤屋矣。德則能潤身矣。故心無  
愧作則廣大寬平而體常舒泰。德之潤身者然也。蓋  
善之實於中而形於外者如此。故又言此以結之。經  
曰欲誠其意先致其知。又曰知至而後意誠。蓋心跡  
之明有所未盡則其所發必有不能實用其力而苟  
焉。以自欺者。然或曰明而不謹乎。此則其所明又非  
善已有而無以爲進德之基。故此章之指必承上章而  
小通考之。然後有以見其用力之始終。其序不可亂而

功不可闕如此。或問六章之指其詳猶有可得而  
言者耶。曰天下之道一善與惡而已矣。然揆厥所元  
而循其次第則善者天命所賦之本然。惡者物欲所  
生之邪穢也。是以人之常性莫不有善而無惡。其本  
心莫不好善而惡惡。然既有是形體之累而又爲氣  
稟之拘。是以物欲之私得以蔽之。而天命之本然者  
不得而著。其於事物之理固有懵然不知其善惡之  
所在者。亦有僅識其粗而不能真知其可好可惡之  
極者。夫不知善之真可好則其好善也。雖曰好之而  
未能無不好者。以拒之於內不知惡之真可惡則其

惡惡也雖曰惡之而未能無不惡者以挽之於中是  
言以不免於苟焉以自欺而意之所發有不誠者夫好  
善而不誠則非惟不足以爲善而反有以賊乎其善  
惡惡而不誠則非惟不足以去惡而遠所以長乎其  
惡而何益之有哉聖人於此蓋有憂之故爲大學之  
教而必首之以格物致知之以開明其心術使既  
有以識夫善惡之所在與其可好可惡之必然矣至  
此而復進之以必誠其意之說焉則又欲其謹之於  
幽獨隱微之奧以禁止其苟且自欺之萌而凡其心  
之所發如曰好善則必由中及外而無一毫之不好

也如曰惡惡則必由中及外而無一毫之不惡也夫  
好善而中無不好則是其好之也如好好色之真欲  
以快乎己之目初非爲人而好之也惡惡而中無不  
惡則是其惡之也如惡惡臭之真欲以足乎己之鼻  
初非爲人而惡之也所發之實旣如此矣而須臾之  
頃纖芥之微念念相承又無敢少有間斷焉則庶乎  
內外昭融表裏澄徹而心無不正身無不修矣若彼  
小人幽隱之間實爲不善而猶欲外託於善以自蓋  
則亦不可謂其全然不知善惡之所在但以不知其  
真可好惡而不能謹之於獨以禁止其苟且自欺之

萌是以淪陷至於如此而不自知耳此章之說其詳如此是固宜爲自修之先務矣然非有以開其知識之真則不能有所致其好惡之實故必曰欲誠其意者先致其知又曰知至而后意誠然猶不敢恃其知之已至而聽其所自爲也故又曰必誠其意必謹其獨而毋自欺焉則大學至夫次第相承首尾爲一而不假他術以雜乎其間亦可見矣○誠意只是表裏如一若外面白裏面黑便非誠意凡惡惡之不實爲善之不勇外然而中實不然或有所爲而爲之或始勤而終怠或九分爲善尙有一分苟且之心皆不實

而自欺之患也所謂誠其意者表裏內外徹底皆如此無纖毫絲髮苟且爲人之弊如飢之必欲食渴之必欲飲皆自以求飽足於己而已非爲他人而食飲也又如一盆水徹底皆清瑩無一毫砂石之雜如此則其好善也必誠好之惡惡也必誠惡之而無一毫強勉自欺之雜所以說自慊但自滿足而已豈有待於外哉是故君子謹其獨非特顯明之處是如此雖至微至隱人所不知之地亦嘗謹之小處如此大處亦如此顯明處如此隱微處亦如此表裏內外精粗隱顯無不謹之方謂之誠其意○問物格知至了如

何到誠意又說毋自欺也毋者禁止之辭曰物既格  
 知既至到這裏方可着手下手未至是物格知至  
 下面許多節節有玉夫○自欺是箇半知半不知底  
 人知道善我所當為却又不十分去為善知道惡不  
 可作却又自家所愛捨他不得這便是自欺○或問  
 誠其意者毋自欺先生曰譬如一塊物外面是銀裏  
 面是鐵便是自欺然所以不自欺須是見得分曉譬  
 如今人見鳥啄之不可食知冰吹之不可蹈則自不  
 食不蹈如寒之欲衣飢之欲食則自是不能已令人

對亂  
 對下  
 善下

果見得分曉如鳥啄之不可食火之不可蹈如飢之  
 欲食寒之欲衣則此意自提實矣○而今說自欺未  
 說到與人說時方謂之自欺只是自家知得善則要  
 為善然心中却覺得微有些沒要緊底意思便是自  
 欺正如金已是真金了只是鍛鍊得微不熟有渣滓  
 去不盡顏色或白或青或黃便不是十分精金○問  
 自謙先生云人之為善須是十分真實為善方是自  
 謙若有六分為善又有兩二分為惡底意思在裏而  
 相率便不是自謙須是如惡惡臭如好好色方是○  
 自謙之謙大德與孟子行有不謙相類細思亦微有

善下  
便下  
漫滅

不洞孟子謙訓滿足意多大學訓快意多橫渠云自  
謙不足以合夫也初着亦只要般然橫渠亦是訓足  
底意思多也字有同義而用者謙字訓足也吾  
何謙乎哉彼心中不以彼之富貴而懷不足也行有  
不謙乎也謂義須克足於中不然則餒也如忍之  
燒迫容忍而為善者言之則為忍子惻隱之心謙字一從也  
忍而為惡者言之則為忍子惻隱之心謙字一從也  
如胡孫兩嘿皆本虛字看懷藏何物於內耳如衙字  
或為衙恨或為衙恩亦同此義誠意十分為善未  
果分不好底意思潛發以問其間此意潛發便

斜徑以張這箇却是實前面善意却是虛矣如見孺  
子入井救之是善意其間便有些要譽底意思以雜  
之如薦好人提善意便有些要人德之之意隨後生  
來治惡人是好意便有些狠疾之意隨後來前面好  
意都成虛了如茹卦吐五爻皆陽下面積一陰生五  
陽便立不在誠與不誠咱謙與自欺只淨這些子  
毫髮之間耳又曰自謙則與自欺則立自謙者外面  
如此中心也是如此表裏一般自欺者外面如此做  
中心其實有些子不願外面且要人道好只此便是  
有二心誠偽之所由分也誠於中形於外那箇形色



氣貌之觀於外者自別決不能欺天祇怕欺而已這  
 樣永無緣做得好人為其無為善之地外面一副  
 當雖好然裏面却踏空永不踞以為善也看來如好  
 好色如惡惡臭一段便連那母自欺也說言人之  
 母自欺時便要如好好色如惡惡臭樣方得若好善  
 不如好好色惡惡不如惡惡臭便自欺毋自欺  
 者謂如為善若有些自欺時便當斬根法之慎毋  
 如惡惡臭始得如好好色開若為不善底一段便提自  
 欺底只是反說開若為善便是惡惡不如惡惡臭  
 見君子而後厭然捨其不善而著其善便是好善不

善下  
 便下  
 漫成

如好好色若只如此看此一篇又義都貼實平易坦  
 然無許多屈曲心廣體胖心本是濶大底物事只  
 是因愧怍了便卑狹便破他隔礙了只是得一邊所  
 以體不能舒泰如問誠章章曾子曰十目所視十  
 手所指不謂所視所  
 指何以異哉也意誠便全然在天理正行意味誠以  
 前尚且在人欲裏其心亦非全然在天理正行意味誠以  
 孟子曰君下位而不獲乎上民不可得而治也獲於上  
 有道不信於友弗獲於上矣結於友有道事親弗悅弗

信於友矣悅親有道及身不誠不悅於親矣誠身有道  
 不明乎善不誠其身矣夫其不誠而能與物交其  
 朱子曰獲於此得其上之信任也誠實也及身不誠  
 交求諸心而其所以為善之心有不實也不明乎善  
 不能即事以窮理無以真知善之所在也游氏曰欲  
 誠其意先致其知不明乎善不誠其身矣學至於誠  
 身則安往而不致其極哉以內則順乎親以外則信  
 乎友以非則可以得君以非則可以得民矣一誠而  
 是故誠者天之道也思誠者人之道也誠者天之道也思誠  
 誠者理之在我者皆實而無偽天道之本然也思誠

者欲此理之皆實而無偽人道之當然也  
 至誠而不動者未之有也不誠未有能動者也

至極也楊氏曰動便是驗處若獲乎上信乎友悅於  
 親之類是也此章述中庸孔子之言視思誠為修  
 聖身之本而明又為思誠之本乃子思所聞於曾子而  
 五孟子所受於子思者亦與大學相表裏學者宜潛心  
 味焉○南軒曰誠者天之道言其實然之理天之所為  
 誠也聖人則全此體身誠而善無不明也思誠者人之  
 求道則是以人之所為誠合於天焉學者明善誠身之  
 周功是地也

周子曰誠者聖人之本大哉乾元萬物資始誠之源也  
 乾道變化各正性命誠斯位焉純粹至善階也故曰一  
 陰一陽之謂道繼之者善也成之者性也既鳩誠之通  
 利貞誠之復大哉易也性命之源乎然文野天文所誠  
 說已混性命篇思音亦與大學時表是與音宜誠誠  
 聖誠而七疾則又思思慈之本八子思誠其會于而  
 朱子曰聖人之所以聖不過全此實理而已鄒所謂  
 太極者也凡曰博則其氣也難乎上計于文則其  
 五常之本百行之源也誠不始末有誠而音也  
 五常仁義禮智信五行之性也百行孝弟忠順之屬

萬物之象也實理全則五行不虧而百行修矣  
 靜無而動有至正而明達者也  
 萬靜而陰誠固未嘗無也以其未形而謂之無耳及  
 始動而陽誠非至此而後有也以其可見而謂之有耳  
 靜無則至正而已動有然後明與達者可見也  
 五常百行非誠非也邪暗塞也  
 非誠則五常百行皆無其實所謂不誠無物者也靜  
 而不正故邪動而不明不達故暗且塞○理中也以  
 其實有故謂之誠以其辭言則有仁義禮智之實以  
 其用言則有惻隱羞惡恭敬是非之實故曰五常百

用行非誠非也蓋無其實矣又安得有是名乎正謂此  
 故誠則無事矣文婚誠則無事言限有之義鄭皆以實以  
 陰誠則眾理自然無一不備不待思勉而從容中道矣  
 至易而行難果而確無難焉實誠暗不婚無味者少精  
 正實理自然故易人偽奪之故難果者陽之決確者陰  
 聖之守決之勇守之固則人偽不能奪之矣具此  
 故曰一日克己復禮天下歸仁焉其信與而能之南耳  
 克去己私復由天理天下之至難也然其機可日而  
 精決其效至於天下歸仁果確之無難如此  
 誠無為幾善惡實聖全明立於不動而存於新矣之屬

全文及說見五常篇

寂然不動者誠也感而遂通者神也動而未形有無之  
 間者幾也

朱子曰本然而未發者實理之體善應而不測者實  
 理之用動靜體用之間介然有項之際則實理發見  
 之端而眾事吉凶之兆也求仁而進德之事莫非誠  
 誠精故明神應故妙幾微故幽器以婚世而許以出  
 前清明在躬志氣如神精而明也不疾而速不行而至  
 是應而妙也理雖已萌事則未著微而幽也  
 誠神幾曰聖以誠則幾而存以誠其幽幾矣蓋指實

精性焉安焉則精明應妙而有以洞其幽微矣


易習故有孚雖此亨行有尚程氏傳曰陽實在中為中有孚信維其心誠一故能亨通至誠可以通金石蹈水火何險難之不可亨也行有尚謂以誠一而行則能出險有可嘉尚也吉凶之幾也故難果者陽之決確者陰學者不可以不誠不誠無以為善無以為君子修學以誠則學雜為事不以誠則事敗自謀不以誠則是欺其心而自棄其志與人不以誠則是喪其德而增人之怨今外道異端亦必誠而後得而况欲為君子者乎無之謝氏曰誠是實理非專一也

尋常人謂至誠止是專一實理則如惡惡臭如好好色不是安排來也朱子曰以實理言誠謝氏得之愚謂如惡惡臭如好好色恐只是實心誠者天道之屬乃實理也故其語始若未安合以朱子此語歸之問中庸專論誠而論語未嘗及誠何也楊氏曰論語之教人凡言恭敬忠信所以求仁而進德之事莫非誠也論語示人以入之之方中庸言其至也蓋中庸示思傳道之書不証言其至則道不明孔子所罕言孟子常言之亦猶是矣朱子曰誠之為言實也然經傳用之各有所指不可一概論如周子謂誠者聖人之本蓋指實

理而言者也如所謂聖誠而已矣即中庸所謂天下至誠者指天之實有此理者而言也溫公所謂誠即大學所謂誠其意者指人之實其心而不自欺者也孟子所謂誠者指人問學道從何而不自欺入又問誠自何而入不自欺語入南軒張氏嘗疑之蓋誠者道問之極致學者必先窮理主敬然後誠者幾焉今乃以誠為入道之始其語誠若未安今以朱子此說觀之則誠知誠之為義經傳所指不同溫公之所謂誠在於不欺詐無矯偽正學者立心之初所當從事非指誠之謝至者而言也楚丘妻之責與傾吐惡惡莫如於於


按唐虞之時未有誠字舜典所謂允塞即誠之義也至伊尹告太甲乃曰鬼神無常享享于克誠誠字始見於此

右專言誠



西山先生真文忠公讀書記卷之十七終

西山朱子真文公語書語卷之二十七冰解所謂天下至



實有此理者而言也溫公所謂誠即大學者指人之實其心而不自欺者也

按元城劉公問學道從何而入曰自誠入又問誠自何而入曰自不妄語入南軒張氏嘗疑之蓋誠者道之極致學者必先窮理主敬然後誠者幾焉今乃以誠為人道古專言誠誠若未安今以朱子此說觀之則具於此為義經傳所指不同溫公之所謂誠在於不妄語耳若大甲氏曰異師無常善子在焉誠誠故誠專誠之辨未肯端字參典何語亦塞鳴鶴文政

政書

